



Broj: JN-1-01-16-4-36-19/18

Datum: 19. 01. 2019. godine

Na osnovu člana 55. Zakona o upravi („Službeni glasnik BiH“, broj 32/02 i 102/09), člana 48. stav (2) i (3), a u vezi člana 50. stav (1), člana 64. stav (1) tačka (b), člana 70. stav (1), (3) i (6), člana 68. stav (4) tačka i), člana 88. i člana 89. Zakona o javnim nabavkama („Službeni glasnik BiH“, broj 39/14), a na Preporuku Komisije za nabavke, broj: JN-1-01-16-4-36-17/18 od 31.12.2018. godine, u postupku javne nabavke avionskih karata-pružanje usluga posredovanja u prodaji avionskih karata, donosi sljedeću:

ODLUKU
o izboru najpovoljnijeg ponuđača
za nabavku avionskih karata-pružanje usluga posredovanja u prodaji avionskih karata

Član 1.

Prihvata se Preporuka Komisije za nabavku, broj: JN-1-01-16-4-36-17/18 od 31.12.2018. godine i Okvirni sporazum za nabavku avionskih karata-pružanje usluga posredovanja u prodaji avionskih karata dodjeljuje se ponuđaču Centrotrans – Eurolines d.d. Sarajevo, ulica Kurta Schorka 14, 71 000 Sarajevo, ponuda broj: 1/06361/18 od 8.10.2018. godine, za ponudenu cijenu od 44.333,60 KM bez PDV-a, odnosno 51.870,00 KM s PDV-om kao najpovoljnijem ponuđaču.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke a), b) c) i d) Zakona o javnim nabavkama i to u roku od 5 (pet) dana nakon što bude obaviješten od strane ugovornog organa o rezultatima postupka nabavke. Ukoliko izabrani ponuđač ne dostavi traženu dokumentaciju u navedenom roku ili je dostavi na nepotpisan i nepotpun način, ugovor će biti dodijeljen drugorangiranom ponuđaču.

Član 3.

Okvirni sporazum za nabavku avionskih karata-pružanje usluga posredovanja u prodaji avionskih karata zaključit će se sa izabranim ponuđačem na period od jedne godine. Ukupna vrijednost okvirnog sporazuma iznosi 44.333,60 KM bez PDV-a, odnosno 51.870,00 KM s PDV-om.

Član 4.

Ova Odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke avionskih karata-pružanje usluga posredovanja u prodaji avionskih karata, broj: JN-1-01-16-4-36-1/18 od 02.10.2018. godine. Javna nabavka je provedena putem Konkurentskog postupka za javnu nabavku avionskih karata-pružanje usluga posredovanja u prodaji avionskih karata.

Procijenjena vrijedost javne nabavke bez PDV-a je: 44.444,44 KM, odnosno 52.000,00 KM sa PDV-om. Obavještenje o nabavci broj: 679-7-2-36-3-28/18 od 02.10.2018. godine, objavljeno je na Portalu javnih nabavki. Komisija za nabavke imenovana je Odlukom broj: 01-02-2-116-1/18, od 15.01.2018. godine.

U skladu sa Rješenjem URŽ-a, broj: JN2-01-07-1-720-7/18 od 12.12.2018. godine u kome se Žalba ponuđača Centrotans-Eurolines d.o.o. Sarajevo, broj: 1/7138/18 od 16.11.2018. godine usvaja i poništava se Odluka o izboru najpovoljnijeg ponuđača broj: JN-1-01-16-4-36-10/18 od 13.11.2018. godine, Komisija za nabavke je postupajući po navedenom Rješenju URŽ-a, pristupila ponovnom pregledu i ocjeni ponuda.

Komisija za nabavke dostavila je ugovornom organu (ministrici za ljudska prava i izbjeglice BiH) Zapisnik o ponovnom pregledu i ocjeni ponuda broj: JN-1-01-16-4-36-16/18 od 31.12.2018. godine, Preporuku o izboru najpovoljnijeg ponuđača broj: JN-1-01-16-4-36-17/18 od 31.12.2018. godine i Izvještaj o radu broj JN-1-01-16-4-36-18/18 od 31.12.2018. godine, u postupku javne nabavke avionskih karata-pružanje usluga posredovanja u prodaji avionskih karata.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno pet (5) ponuda;
- da je blagovremeno primljeno pet (5) ponuda;
- da nije bilo neblagovremeno primljenih ponuda,
- da su ponude ponuđača Centrotans – Eurolines d.d. Sarajevo i Mrkulic Company d.o.o. Sarajevo, kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,
- da se ponude ponuđača Globtour Event d.o.o. Sarajevo, V.I.P. Travels d.o.o. Sarajevo i Relax Tours d.o.o. Sarajevo odbacuju kao nepotpune, zbog neispunjavanja uslova za kvalifikaciju iz člana 48. stav (2) i (3), a u vezi člana 50. stav (1) tačka a) i člana 68. stav (4) tačka i) Zakona o javnim nabavkama.

Ponuđač Globtour Event d.o.o. Sarajevo:

Tenderskom dokumentacijom je propisano da je, u svrhu dokaza o ispunjavanju uslova tehničke i profesionalne spobnosti, ponuđač dužan dostaviti potvrde o uredno izvršenim ugovorima iz tačke 3.5. pod a) TD koje moraju sadržavati sljedeće podatke: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Uvidom u ponudu ponuđača Globtour Event d.o.o. Sarajevo utvrđeno je da su dostavljene dvije potvrde iz kojih nije vidljiva vrijednost ugovora, vrijeme i mjesto izvršenja ugovora, niti je navedeno da je ugovor uredno izvršen.

Obzirom da ponuđač Globtour Event d.o.o. Sarajevo, u okviru ponude, nije dostavio potvrde u skladu sa zahtjevima iz Tenderske dokumentacije koji su traženi u svrhu dokazivanja tehničke i profesionalne sposobnosti iz člana 48. stav (2) i (3), a u vezi člana 50. stav (1) tačka a) Zakona o javnim nabavkama, ponuda imenovanog je odbačena kao nepotpuna.

V.I.P. Travels d.o.o. Sarajevo:

Uvidom u ponudu ponuđača utvrđeno je da isti nije popunio Aneks VIII – Nacrt Okvirnog sporazuma u skladu sa sadržajem tačke 5.3 Tenderske dokumentacije.

Uvidom u Rješenje URŽ-a, broj: JN2-01-07-1-720-7/18, od 12.12.2018. godine navodi se:

„Uvidom u ponudu ponuđača V.I.P. d.o.o. Sarajevo, evidentno je da se na stranama 5 i 6 ponude nalazi Aneks I tenderskog dokumenta Obrazac za ponudu u kojem je upisana cijena ponude (sa PDV-om i bez PDV-a) slovima i brojevima, dok se na strani 9 ponude nalazi Aneks II

tenderskog dokumenta Obrazac za cijenu ponude – usluge u kojem su upisane cijene ponude brojevima (sa PDV-om i bez PDV-a). Daljnim uvidom u Aneks VIII sadržaj Nacrta okvirnog sporazuma, evidentno je da predmetni ponuđač u istom nije upisao ukupnu vrijednost okvirnog sporazuma i ostale podatke koji su navedeni sadržajem tč. 5.3 Tenderskog dokumenta.

Sve prednje navedeno činjenično stanje upućuje da je predmetni ponuđač propustio jedino naveo u Obarscu za ponudu cijenu ponude i vrijednost i brojčano, dok je provjerom sadržaja Okvirnog sporazuma jasno da je ponuđač propustio navesti sve elemente iz svoje ponude/kako je to izričito traženo tč. 5.3. Tenderskog dokumenta.

Prednje iznesni propusti utiču na ocjenu ispravnosti pripremljene ponude, predmetni ponuđač de facto nije postupio prema zahtjevanom, iako je na navedeno bio upućen sadržajem dokumenta postupka, te su u navedenom smislu osnovani navodi žalitelja.“

Ponuda ponuđača V.I.P. Travels d.o.o. Sarajevo se isključuje zbog neispunjavanja uslova za kvalifikaciju iz tačke 5.3 Tenderske dokumentacije i u skladu sa članom 68. stav (4) tačka i) Zakona o javnim nabavkama odbacuje kao nepotpuna.

RelaxTours d.o.o. Sarajevo

Uvidom u ponudu ponuđača utvrđeno je da isti nije popunio Aneks VIII – Nacrt Okvirnog sporazuma u skladu sa sadržajem tačke 5.3 i 4.1. i) Tenderske dokumentacije.

Uvidom u Rješenje URŽ-a, broj: JN2-01-07-1-720-7/18, od 12.12.2018. godine navodi se:

„Uvidom u ponudu ponuđača Relax Tours d.o.o. Sarajevo, evidentno je da se na stranama 2 i 3 ponude nalazi Aneks I tenderskog dokumenta Obrazac za ponudu u kojem je upisana cijena ponude (sa PDV-om i bez PDV-a) slovima i brojevima, dok se na strani 4 ponude nalazi Aneks II tenderskog dokumenta Obazac za cijenu ponude-usluge u kojem su upisane cijne ponude brojevima (sa PDV-om i bez PDV-a).

Na stranama 12-15 ponude ponuđača Relax Tours d.o.o. Sarajevo, nalazi se Aneks VIII Prijedlog okvirnog sporazma u kojem u članu 4 nije upisana Ukupna vrijednost okvirnog sporazuma (sa PDV-om i bez PDV-a), na kraju Aneksa VIII u koloni Dobavljač upisano je „Relax Tours d.o.o. broj: 08-10/18 i datum 8.10.2018. godine“, pri čemu je izostavljeno potpisivanje okvirnog sporazuma od strane predmetnog pouđača prema tč. 4.1. i) Tenderskog dokumenta.

Sve prednje navedeno činjenično stanje upućuje da je predemeni ponuđač jedino naveo u Obascu za ponudu cijenu ponude i vrijedonosno i brojčano, dok je provjerom sadržaja Okvirnog sporazuma jasno da je ponuđač prospustio navesti sve elemente iz svoje ponude/kako je to izričito zatraženo tč. 4.1 i) Tenderskog dokumenta.

Prednje izneseni propusti utiču na ocjenu ispravnosti pripremljene ponude, predmetni ponuđač de facto nije postupio prema zahtjevanom, iako je na navedeno bio upućen sadržajem dokumenata postupka, te su u navedenom smislu osnovani navodi žalitelja.“

Ponuda ponuđača Relax Tours d.o.o. Sarajevo se isključuje zbog neispunjavanja uslova za kvalifikaciju iu tačke 5.3 i 4.1. i) Tenderske dokumentacije i u skladu sa članom 68. stav (4) tačka i) Zakona o javnim nabavkama odbacuje kao nepotpuna.

Navedeni ponuđači su imali zakonsku mogućnost da traže pojašnjenje ili eventualno da ulože žalbu na tendersku dokumentaciju do roka prije dostavljanja ponuda, a što nije učinjeno.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenoj u Obavještenju o nabavci i Tenderskoj dokumentaciji.

Naziv i sjedište ponuđača	Kriterij -najniža cijena (vrijednost bez PDV-a)	Kriterij -najniža cijena (vrijednost s PDV-om)
Centrotrans – Eurolines d.d. Sarajevo	44.333,60 KM	51.870,00 KM

Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



Dostaviti:

- Ponuđačima,
- Sektoru za opće, pravne i finansijsko-materijalne poslove,
- a/a